

# CABINET CYNGOR GWYNEDD



## Adroddiad i gyfarfod Cabinet Cyngor Gwynedd

<b>Dyddiad y cyfarfod:</b>	<b>27 Gorffennaf 2021</b>
<b>Aelod Cabinet:</b>	<b>Y Cynghorydd Dafydd Meurig</b>
<b>Swyddog Cyswilt:</b>	<b>Morwena Edwards, Cyfarwyddwr Corfforaethol</b>
<b>Teitl yr Eitem:</b>	<b>Adroddiad Blynyddol Bwrdd Partneriaeth Rhanbarthol Gogledd Cymru 2020/2021</b>

### 1. Y PENDERFYNIAD A GEISIR

- 1.1. Gofynnir i'r Cabinet nodi'r gwaith a'r cynnydd yn 2020/2021 yn y meysydd gwaith sy'n cael eu dwyn ymlaen yn rhanbarthol trwy Fwrdd Partneriaeth Rhanbarthol Gogledd Cymru.

### 2. Y RHESWM DROS YR ANGEN AM BENDERFYNIAD

- 2.1 Pwrpas yr adroddiad hwn yw darparu gwybodaeth i bartneriaid mewn perthynas â Bwrdd Partneriaeth Rhanbarthol Gogledd Cymru a'i weithgareddau yn ystod 2020/2021. Mae'r adroddiad yn dangos y cynnydd a wnaed a ffrydiau gwaith y Bwrdd yn ystod y flwyddyn.
- 2.2 Mae Deddf Gwasanaethau Cymdeithasol a Llesiant (Cymru) 2014 yn gofyn bod pob Bwrdd Partneriaeth Rhanbarthol yn cynhyrchu ac yn cyhoeddi adroddiad blynyddol ar ei waith ac yn ei gyflwyno i Lywodraeth Cymru.

### 3. CYFLWYNIAD

- 3.1 Yr adroddiad hwn yw Adroddiad Blynyddol Bwrdd Partneriaeth Rhanbarthol Gogledd Cymru ar gyfer 2020/2021 (Atodiad 1). Mae'n ofynnol yn Rhan 9 Deddf Gwasanaethau Cymdeithasol a Llesiant (Cymru) 2014 bod pob Bwrdd Partneriaeth Rhanbarthol yn paratoi, yn cyhoeddi ac yn cyflwyno ei adroddiad blynyddol i Lywodraeth Cymru.
- 3.2 Mae Llywodraeth Cymru yn cyhoeddi canllawiau ar gwblhau'r Adroddiad Blynyddol bob blwyddyn. Felly mae Adroddiad Blynyddol Bwrdd Partneriaeth Rhanbarthol yn mynd i'r afael â'r wybodaeth sydd ei angen gan Lywodraeth Cymru. Mae rhagor o wybodaeth ar waith y Bwrdd ar gael ar <https://www.cydweithredfagogleddcymru.cymru/>. Mae adroddiad Bwrdd Partneriaeth Rhanbarthol Gogledd Cymru yn cael ei ysgrifennu mewn fformat sy'n cynnwys yr holl wybodaeth sydd ei hangen.

- 3.3 Y Bwrdd Partneriaeth Rhanbarthol yw'r Bwrdd a sefydlwyd i fodloni gofynion Rhan 9 Deddf Gwasanaethau Cymdeithasol a Llesiant (Cymru) 2014. Mae'r Ddeddf yn ei gwneud yn ofynnol i awdurdodau lleol wneud trefniadau i hyrwyddo cydweithrediad â'u partneriaid perthnasol ac eraill, mewn perthynas ag oedolion ag anghenion am ofal a chymorth, gofalwyr a phlant. Mae'n gosod dyletswydd ar bartneriaid perthnasol i gydweithredu, a darparu gwybodaeth i'r awdurdodau lleol at ddibenion eu swyddogaethau gwasanaethau cymdeithasol.
- 3.4 Mae Rhan 9 o'r Ddeddf hefyd yn cynnwys trefniadau partneriaeth rhwng awdurdodau lleol a Byrddau Iechyd Lleol i gyflawni eu swyddogaethau. Mae'r Ddeddf hefyd yn rhoi pwerau i Weinidogion Llywodraeth Cymru wneud rheoliadau mewn perthynas â threfniadau partneriaeth ffurfiol, adnoddau ar gyfer trefniadau partneriaeth (gan gynnwys cronfeydd cyfunol) a byrddau partneriaeth.
- 3.5 Diben Rhan 9 y Ddeddf yw gwella canlyniadau a lles pobl, yn ogystal â gwella effeithlonrwydd ac effeithiolrwydd o ddarparu gwasanaethau. Felly, gellir disgrifio amcanion allweddol cydweithredu, partneriaeth ac integreiddio fel a ganlyn:
- Gwella gofal a chymorth, gan sicrhau bod gan bobl fwy o lais a rheolaeth
  - Gwella canlyniadau ac iechyd a lles
  - Darparu gofal a chymorth cydlynol sy'n canolbwyntio ar yr unigolyn
  - Gwneud defnydd mwy effeithiol o adnoddau, sgiliau ac arbenigedd.
- Pwrpas yr adroddiad Blynyddol yw nodi'r cynnydd y mae Byrddau Partneriaeth Rhanbarthol wedi'i wneud ac mae'n ystyried sut mae'r bwrdd yn cyflawni egwyddorion Deddf Gwasanaethau Cymdeithasol a Llesiant (Cymru) 2014.
- 3.6 Mae Llywodraeth Cymru wedi cyhoedd Canllawiau Statudol Rhan 9 newydd ym mis Ionawr 2020 ac mae Bwrdd Partneriaeth Rhanbarthol Gogledd Cymru yn gweithio yn unol â'r Canllawiau hynny. Mae'r prif newidiadau yn ymwneud ag aelodaeth ychwanegol, canolbwynt ychwanegol ar ddeilliannau ar gyfer plant a phobl ifanc a chanolbwynt ychwanegol ar integreiddio gwasanaethau.
- 3.7 Yn 2020/2021, mae dyfarniad cyllidebau a grantiau partneriaeth i'r Bwrdd, wedi gallu ariannu rhai gweithgareddau'r Bwrdd a thalu aelodau ychwanegol o staff i reoli ffrydiau gwaith y Bwrdd gan ddefnyddio'r cyllid hwn.
- 3.8 Mae Llywodraeth Cymru yn dyfarnu cyllid grant rhanbarthol trwy'r Byrddau Partneriaeth Rhanbarthol e.e. y Gronfa Gofal Integredig, Grantiau Darparu Trawsnewid. Mae partneriaid yn cytuno ar ddefnydd y grantiau ac yn cytuno ar y cyd ar gapasiti pobl rhanbarthol sydd ei angen i ddarparu ei raglenni.
- 3.9 Y risg yw sicrhau cydymffurfiaeth â Deddf Gwasanaethau Cymdeithasol a Llesiant (Cymru) 2014 a'r Canllawiau ar gyfer Byrddau Partneriaeth Rhanbarthol. Nid oes gan y Byrddau ffynonellau cyllid dynodedig ac mae eu gweithgareddau yn cael eu cyllido ar hyn o bryd gan gymysgedd o gyllid yr awdurdod lleol wedi'i gyfuno a brigdorri cyllid grant gan Lywodraeth Cymru.
- 3.10 Disgwylir y bydd gweithio mewn partneriaeth ar draws y gwasanaethau iechyd a gofal cymdeithasol yn helpu i gefnogi cymunedau gwydn a hefyd yn sicrhau gwasanaeth di-dor ar gyfer unigolion sydd angen gofal a chefnogaeth.

#### **4. CAMAU NESAF AC AMSERLEN**

5.1 Dim i'w nodi.

#### **5. Barn y Swyddogion Statudol:**

i) **Y Swyddog Monitro:**

Mae'r adroddiad yn cyfarch y gofyn cyfreithiol ar y Bwrdd i baratoi adroddiad blynyddol ar y graddau y bu iddo gyflawni ei amcanion statudol

ii) **Y Pennaeth Cyllid:**

Yn 2020-21, mae dyfarniad cyllidebau a grantiau partneriaeth i Fwrdd Partneriaeth Rhanbarthol Gogledd Cymru wedi galluogi ariannu gweithgareddau a pharhau i dalu staff i reoli ffrydiau gwaith y Bwrdd.

Mae Llywodraeth Cymru yn dyfarnu cyllid grant rhanbarthol trwy'r Byrddau Partneriaeth Rhanbarthol, e.e. y Gronfa Gofal Integredig, a grantiau Darparu Trawsnewid. Mae partneriaid yn cytuno ar ddefnydd y grantiau ac yn cytuno ar y cyd ar gapasiti rhanbarthol sydd ei angen i ddarparu ei raglenni.